

12/06/1997

Agong, PM utus tahniah kepada Ramos

KUALA LUMPUR, Rabu - Yang di-Pertuan Agong Tuanku Ja'afar dan Raja Permaisuri Agong Tuanku Najihah mengutus ucapan tahniah kepada Presiden Filipina, Fidel Ramos, sempena kemerdekaan ke-99 negara itu.

"Kami yakin hubungan kedua-dua negara akan terus diperluaskan dan memperkukuhkan kepentingan bersama," titah Seri Paduka dalam perutusan itu yang dikeluarkan Wisma Putra, di sini, hari ini.

Perdana Menteri Datuk Seri Dr Mahathir Mohamed turut menghantar perutusan sama.

Dr Mahathir berkata, di bawah pimpinan Ramos, Filipina mencapai kemajuan ekonomi mengagumkan dan beliau yakin kemakmuran negara itu akan terus berkekalan pada masa hadapan.

Katanya, hubungan dua hala berkembang dengan baik sejak beberapa tahun lalu dan beliau berharap kedua-dua negara terus bekerjasama untuk memperkukuhkan hubungan.

Menteri Luar Datuk Abdullah Ahmad Badawi juga menghantar ucapan yang sama kepada Setiausaha Hal Ehwal Luar Filipina, Domingo L Siazon Jr. - Bernama

(END)